



UKA 2018/52 - UKA 2018/53 - UKA 2018/54 - UKA 2018/55

16/10-2018

Nivi Olsen

**Inuuusuttut 18-t norlugin ukiullit unnukkut nalunaaqutaq 20:00-p kingorna Cafèliarlutik
kakaoitorsinnaanngornissaat, sodavanditorsinnaanngornissaat assigisaannilluunniit
najoqqaasinnaanngornissaat pillugu Imigassaq pillugu Inatsisartut Inatsisaanni § 20 imm. 4
atorunnaarsinnissaanut siunnersuuteqaqquullugit Naalakkersuisut peqquneqarnissaanik Inatsisartut
aalajangiiffigisassaattut siunnersuut.**

(Inatsisartunut ilaasortaq Malene Vahl Rasmussen, Demokraatit)

(Siullermeerneqarnera)

**Imigassaq pillugu inatsit allanngortinniarlugu siunnersummiq saqqummiusseqquullugit Naalakkersuisut
peqquuneqarnissaanik Inatsisartut aalajangiiffigisassaattut siunnersuut, taamaasillutik niuertarfiiit
imigassanik aalakoornartortalinnik nioqquuteqarsinnaalersillugit ataasinngornermiit arfininngornermut
nalunaaqutaq ullaakkut quliniit unnukkut arfineqpingasup tungaanut.**

(Inatsisartunu tilaasortat Justus Hansen aamma Randi Vestergaard Evaldsen, Demokraatit)

(Siullermeerneqarnera)

**Imigassamut inatsimmi imigassat aalakoornartortallit pillugit pilerisaarutit suulluunniit
inerteqquaanerata atorunnaarsinnissaa imaluunniit allamik taama sakkortutigisumik
taarserneqarnissaanut Imigassaq pillugu Inatsisartut inatsisaata allanngortinnissaanut
allanguutissamik saqqummiusseqquullugit Naalakkersuisut peqquneqarnissaanik Inatsisartut
aalajangiiffigisassaattut siunnersuut.**

(Inatsisartunut ilaasortaq Randi Vestergaard Evaldsen, Demokraatit)

(Siullermeerneqarnera)

**Imigassaq pillugu Inatsisartut inatsisaani § 28-p atorunnaarsinnissaanut siunnersuuteqaqquullugit
Naalakkersuisut peqquneqarnissaanik Inatsisartut aalajangiiffigisassaattut siunnersuut, taamaasilluni
imigassaq nioqquutissanut allanut naleqqiullugu saagorsimajunnaartussanngorlugu.**

(Inatsisartunut ilaasortaq Randi Vestergaard Evaldsen, Demokraatit)

(Siullermeerneqarnera)

Inuttut kiffaannngissuseqarnissaq Demokraatit pingaartitorujussuaat. Innuttaaqatigummi tatigaagut.
Tatigaarput nunami maani inuit imminnut paarisinnaanerat. Isumaqarpugut inuiaqatigiit
suarsuppassuartigut naleqqussaasarnissaat pisariaqanngitsoq.



Sooq inuiaqatigiit aalajangissavaat saagut tunuanukaqqaartoqartassasoq viinnimik pisiniaraanni?

Aamma sooq puujaasamik whiskimik pisisinnaassanngilaq liiterinik marlunnik immissiniaatigaluta?

Sooq inuiaqatigiit aalajangissavaat aappariit 16-nik ukiullit nalunaaqutaq unnukkut arfineq-pingasup kingorna cafémi tiisillutillu cookiemik pisisinnaassanersut.

Sooq inuiaqatigiit aalajangissavaat najukkami maqitsiviit tunisassiaminnut pilerisaarisassanngitsut unammillertiminnut nuna allaneersunut inissisimanerat ajornerulersillugu?

Paassisannngilaq.

Aamma taamaattumik Demokraatinii pissutsit tamakku sukkanerpaamik allanngortikkusuppagut. Amerlanerussuteqartut aalajangiinerattut imigassamut inatsisip taama killilersugaatigilernera kukkuneruvoq. Piffissangorpoq kukkunerit ajornersaasa iluarsineqarnissaannut inuttut kiffaanngissuseq aamma inuit inuunerminnut oqartussaanerat qularnaarumallugu.

Demokraatinii immikkoortoq 52-p, 53-p, 54-p aamma 55-p akuerineqarnissaat inassutigaarput siunnersuullu innersuullugu Inuutissarsiornermut Ataatsimiititaliamut suliareqqitassanngorlugu.